



Broj: 07-04-45131-4/23
Sarajevo, 03.11.2023. godine

SKUPŠTINA KANTONA SARAJEVO
Služba za skupštinske poslove

PREDMET: Odgovor na zastupničku inicijativu,-

Zastupnica Marijela Hašimbegović je na 10. radnoj sjednici Skupštine Kantona Sarajevo održanoj dana 25.10.2023. godine, u okviru tačke dnevnog reda „Poslanička/zastupnička pitanja, inicijative i odgovori“, uputila zastupničku inicijativu:

“Upućujem inicijativu radi izvršenja inspekcijskog nalaza za postupak konkursne procedure u organizaciji Ministarstva privrede KS za Javni konkurs za ustupanje ribolovnog prava na Ribolovnom području na period od 10 godina, lokacija jezero Starača, općina Ilijaš. Tražim da se posebno preispita bodovna lista Komisije ovog postupka, koja je uprkos nepotpunoj dokumentaciji jednog od prijavljenog kandidata uzela u dalje razmatranje ovo Udruženje što nije u skladu sa konkursnom procedurom.”

Odgovor:

Ministarstvo privrede Kantona Sarajevo raspisalo je Konkurs za ustupanje na korištenje ribolovnih područja I i VI davanjem ribolovnog prava na period od 10 godina na području Kantona Sarajevo broj: 07-06-21-6128/23 od 20.04.2023. godine (Konkurs je objavljen i u dnevnom listu “Dnevni avaz”, dana 25.04.2023. godine).

Rješenjem Ministra privrede Kantona Sarajevo broj: 07-06-21-6128-2/23 od 24.05.2023. godine imenovana je Komisija za javno otvaranje prijave dostavljenih po Konkursu.

Dana 26.05.2023. godine Komisija je izvršila otvaranje prijave i konstatovala, između ostalog, da su ukupno dostavljene dvije blagovremene prijave, i to od Udruženje građana “Bistro” Ilijaš i USR “Alić Hidajet Hitko”, a o čemu je sačinjen Zapisnik broj: 07-06-21-6128/23 od 26.05.2023. godine.

Dana 06.06.2023. godine Komisija je nastavila proceduru odabira kandidata i o tome sačinila Zapisnik o pregledu i bodovanju prijava po Konkursu broj: 07-06-21-6128-3/23 od 06.06.2023. godine.

Na temelju provedene konkursne procedure, Ministarstvo privrede Kantona Sarajevo je donijelo Rješenje broj: 07-05-20-6128/23 od 09.06.2023. godine kojim se USR "Alić Hidajet Hitko" iz Ilijaša ustupa na korištenje ribolovno područje VI, a po konačnosti navedenog rješenja određeno je da će se sa USR "Alić Hidajet Hitko" zaključiti ugovor o ustupanje ribolovnog područja VI na korištenje.

Na Rješenje Ministarstva privrede Kantona Sarajevo broj: 07-05-20-6128/23 od 09.06.2023. godine Udruženje građana "Bistro" Ilijaš izjavilo je žalbu drugostepenom organu Federalnom ministarstvu poljoprivrede, vodoprivrede i šumarstva.

Federalno ministarstvo poljoprivrede, vodoprivrede i šumarstva, po navedenoj žalbi je donijelo Rješenje broj: UP-II-03-20/6-127/23 od 28.08.2023. godine kojim se žalba UG "BISTRO" Ilijaš uložena protiv Rješenja Ministarstva privrede Kantona Sarajevo broj: 07-05-20-6128/23 od 09.06.2023. godine odbija kao neutemeljena.

S poštovanjem.



Dostavljeno:

1. Naslovu,
2. Vladi Kantona Sarajevo,
3. Evidenciji,
4. a/a.

